

# Arantzazu'ko Egutegia

**ARANTZAZUKO  
ANDREA  
MARIAREN  
EGUTEGIA**

OTSAILA 13 ASTELENA	OTSAILA 14 MARTIIZENA	OTSAILA 15 EGUAZTERA	OTSAILA 16 EGUENA	OTSAILA 17 BARIKUA	OTSAILA 18 ZAPATUA	OTSAILA 19 DOMENEA
---------------------------	-----------------------------	----------------------------	-------------------------	--------------------------	--------------------------	--------------------------

**zahor PRALIN fuerzahor**

## ASKOREN IRAKURGAIA

Euskaldunak oso alperrak izan gara beti gure izkuntzaz idazten diran idazlanak irakurtzeko, bear ba da aukera gitxi izan dogulako, baña ba dago gauzatxo bat danok irakurri doguna ta pozik gañera: «takozko» euskerazko egutegiaren eguneroko orritxua, oneri buruz dator nire idazlan au.

## EGUTEGI BI

Danok ezagutu dogu Arantzazu'ko Andra Mariaren ospetsua, batez be baserritarrak, oneik beste ezer irakurten ez ba'eben be, egutegiaren orritxua bai, ta gustora.

Gero, orain bost edo sei bat urte dala, Erri-egutegi izenekoa kaleratu zan, Donostian, eta onartua izan zan, batez ere garai aretan Arantzazu'koa euskera batuan egiten zalako.

Arantzazu'koak, itxuraz, laster konturatu ziran jendeak ez ebala onartzen euskera batu a ta erri-euskeraz (bizkaieraz) argitaratzen asi ziran barrero, jakiña, bizkaieraz bizkaitarrentzat.

Erri-Egutegiak lau bat urte iraun ebazan, andik dirurik ez edo eztakit zer dalata il egin zan.

## EGUTEGI ALDATUA

Igez Arantzazu'koa erosi neban eta nire ustez ondo etorri zan. Aurten, eroatera joan

naz baña liburutegian Arantzazu'ko egutegi barri bategaz aurkitu naz, igezkoa baño dotoreago bear bada ta gañera zabalkundea be ba dakar. Alan da guztiz, iritzi batzuk emongo dodaz, zuzenak ba dira gogoan artzeko edo bestelan ba...

## ASTEAN GAI BAT

Esan dodan lez, egutegia dotorea dator-kigu baña alan da guztiz ostopo bat aurkitzen dausat:

Aurten asteke zazpi egunak orri zabal batean datoz danak batera, beraz, ezin dogu egun bakoitzeko orritxua irakurri.

Beste alde batetik egutegiaren gora berak irakurri gura ba doguz, astean bein bakarrik irakurri geinke.

Zenbat euskaldun oitu dira euskeraz irakurtzeko egutegiaren eguneroko orritxuaren esker?

Asko ta asko bai.

## LENGOA NAIAGO

Nere ustez aurtengo egutegia polita da ta ondo dago, baña ondoren geiago ataratzeko, ta euskaldunen artean irakurtzeko zaletasuna ugaritzeko, datorren urtean, lengo tankeran egingo neuke. Gañera «takozkoa» edozein orma-egutegi gañean ipintzen da, ta olan eztogu leku berezi baten bearrik.

ZANGRONIZ

## Suizkilluz Erailda

*Ba da egunsentia...  
Izkillu dunbadak ildegin aldian.  
¿Zer izan ete-da? Diñot neure artian.  
Geyago ezta entzuten ezer, dana ixilla.*

*Baña zoritxarrez, eguberdi aurrian,  
Diñoste lagunak: barriz gaur goizian,  
Berton erail dabe beste gudari bat.  
Eskuak lotuta kordelaz, atzian  
Euzkadi goraltzen, il da gudaria.*

*Eziña, burutik aldendu irudia.  
Azkenez illuntzez, ba nua ildegira.  
Barru-ormak, itzalaz, aztiro begira...  
Ba dakust tiruaz zulatuta arriak.  
Zulo batzuk goyen, buruan aldian,  
Bestiak, berago. Onek, biotzian...*

*Biotza estuturik, malkuak begian.  
Belamez jausten naz lur onen ganian.  
Ametsetan dakust klabelin guria  
ostotxu makurrak, zutiña ausia,  
Burua berantza ta beren aspian  
Odolaz eindako potxingo gorria*

*Alde baten gaba ta ekaitza igesika,  
Klabelin geizpe, bakarrik da oziña.  
Gero ta andiago, odolon ganian  
Argituten dagoz Eguzki-dizdirak.*

UTARSUS